

HÓKÓNAMẸ DOGBỌN OHLA LẸ DALI

Owalọ Apósteli Lẹ Tọn 20:1-38

NUPINPLỌN 347 – Na Mẹwinyanwinyan Lẹ

Nupinplọn Do Tamẹ: "Eyín mède sọ dọ yẹwheho Wẹndagbe tọn devo depope hlan mì hú ehe mì ko yí, yè ni gbọ e ni yín anatema" (Galatianu lẹ 1:9).

Yise Whiwhlá

Paulu dibla hẹn gbejizọnlín etọn atọntọ jẹ podo na Wẹndagbe lilá. Gbẹto sùsù wẹ ko mọ whlẹngan dogbọn yẹwheho etọn dali; şigba to ofihe e to yiylẹ lẹpo wẹ yè ko mọ gbẹto he gbẹwanna yẹwhehó Wẹndagbe tọn he e to didọ.

Devizọn Paulu tọn ma yín ehe boawu gba. Oklunọ ko dọ na Paulu dai whenuena yè ylọ ẹ jẹnukọn dọ e na jiya sùsù to godomẹ. Şigba Paulu ma dike na ehelọ ni doalọte na yẹwhehodidọ etọn lala. To homẹkẹn he e ko doakọnna lẹpo godọ, şogan e dọ to opòdo etọn tọn dọmọ: "yẹn ko yin yise lọ". Sùsù mẹwinyanwinyan lẹ tọn he yín devizọnwàto Jihwéyẹwhe tọn wẹ ko jẹ e ji po ozohùnhùn ayihame tọn po, po vivẹnudido po nado dọyẹwheho Ohó Jihwéyẹwhe tọn tọn lẹpo; Şigba to yonho whenu yeton, yé ko hẹn vivẹnudido nado dọ yẹwheho Ohó Jihwéyẹwhe tọn tọn lẹpo bú. Nawẹ opẹ míton ko sù sọ na apajlẹ gbẹto lẹ tọn kẹdẹdi Paulu tọn nkọ, he dohia gbangba dọ eyín bibasi nado góna vivẹnudido podọ nado tin to otenogligli mẹ kakajẹ opòdo ogbẹ míton tọn. Mí sọ to pẹdo na apajlẹ he mí tindo to ojilẹ míton he mẹ lẹ ga, omẹ nẹlẹ he ko yín nugbonọ kakajẹ okúdonu.

Paulu ko wàzọn he kọn Oklunọ ylọ ẹ do nado wà, ma jlo na yonẹn eyín gbẹto lẹ sè eton kavi lala. E dọmọ: "yẹn ma gboawupo nado lá linlẹn Jihwéyẹwhe tọn hlan mì".

Osẹ Dọpo To Tloa

Paulu po honton eton lẹ po nọte to Tloa na azán şinawe, to azán Oklunọ tọn gbè, yé yi pé núpłntọ lẹ he tin to otò helọ mẹ nado sẹn. Jẹnukọnna ojilẹ helọ, núpłntọ hele ma tindo tẹnme sùsù nado sè ohó sọn onù Paulu tọn mẹ, enẹwutu, e tindo onú sùsù nado dọ hẹ yé. E dọn yẹwheho eton dite jẹ ozánhome. Visunnu depẹ de tin to finẹ he to amlonọ sà. E sinai to wésenu, whenuena amlon biolanmẹ nẹ, e flẹ jai jẹ odò. Sọn aga atọntọ wẹ e flẹ jai jẹ odò, bo sọ kú. Pipli agùn lọ tọn lẹpo wẹ jẹ flu sùsù. Şigba Paulu do yise dọ Jihwéyẹwhe na gò gbigbo ovi sunnu depẹ lọ tọn wá ogbẹ. E basi kẹdẹdile Elija po Elişa po ko wà do whenuena yé fón mẹhe ko yín oşiq do ogbẹ: e "pavava do e ji," bo dọn ẹn do ogo e bo sọ yí ayiha eton lẹpo do hodẹ. E sọ dọ na gbẹto lẹ lọ to ogbẹ dẹdẹ mẹ dọ: "mì dotukla mide blo; na gbigbo eton tin to ohò eton mẹ". Yè ko zé e tite to oyín Jesu Klisti tọn mẹ, to oyín Mẹhe tọn mẹ Paulu ko wleawuvọ te nado jiya podọ nado kú.

To devizọnwíwà Paulu tọn lẹpo mẹ, núhe yín titegbe yẹwheho didọ eton tọn, wẹ Jesu Klisti, Ovi Wiwe Jihwéyẹwhe tọn. Na e yí ayiha eton lẹpo do dotudo Jesu go, ehe lọ sọ hẹn ẹn nado wàzọn jawu sùsù to oyín Etọn mẹ.

Ohó Vivi Didọ Matin

Paulu ko nọ azán sùsù to Efesu, mọwẹ e sọ to jijlo nado dọhó hẹ nukontọ agùn tọn he tin to finẹ lẹ. E yonẹn dọ emi ma na sọ vọ yéde wá ba, enẹwutu, e ylọ yé nado dọhó mẹdido godọ tọn na yé, podọ nado kọhó na yé dogbọn awugble he tin to nukon na yé tọn dali.

Paulu ko to yẹwhehodọ dọ yè do na vọ gbẹto ji. E ko kọhona gbẹto lẹ dogbọn ylano wunmẹwunmẹ tọn dali, vodúnsinsẹn, podọ mẹhe to jijlo nado yi olon dogbọn azon dagbe wiwa dali lẹ le yé nado yí Jesu sè. Ewọ ma dọ "ohó vivi" na gbẹto lẹ lọ pón nado din nukundagbe yeton, podọ nado yín omẹ gágán to yé sẹnşen gba. Ohó whlẹngan yeton tọn dují to ayiha eton mẹ. E yonẹn dọ azán de ja he mẹhe to yẹwheho eton sè lẹpo na şite to nukon Jesu tọn na whẹdida. Eyín yé ma gán sọn ylano si yè na kọn yé do oyà madopodo mẹ.

Nawẹ e na te do eyín Paulu ma dọna yé dọ yè do na whlẹn yé gán sọn ylando mẹ? Yé na dọn, ewọ na sọ ylanwhẹ! Şigba Paulu sọgan dọ dinvie dọmọ: "yẹn ma gboawupo sọn lílá núde he yín ale hlan mì mẹ". E sọ vọ dọ ga dọ "yẹn wé sọn ohùn gbẹtọ lẹpo tọn mẹ".

Hihótọ

Nawẹ homẹ etọn hùn sọ nado mọ dọ ewọ ko zán huhlẹn etọn lẹpo nado do ali whlẹn gan tọn hia yé! Yé ma na sọgan wlewhẹ he ẹ to whẹdazángbe dọmọ: "hiẹ ma dọ na mi gba."

Yẹwhẹgán de wlan winwlandai to whedenu dọ eyín hihótọ de gboawupò nado kọhó na gbẹtọ lẹ dogbọn oylan he ja tọn dali, eyín oylan lọ sọ pla gbẹtọ lẹ lọ, Jihwéyẹwhe na kàn ohùn yetọn biọ sọn hihótọ lọ de. Paulu kọhona Efesunu lẹ dọ okú wẹ ale ylando tọn, podọ ga, yé do na lẹnvọjọ bọ yè ni sọ whlẹn yé gán whẹpo yé nido sọgan yi olon; na ehelọ tọn wutu, ewọ wé sọn ohùn yetọn mẹ.

Ohla He Dobu Lẹ

Mẹhe tin to agùn Efesu tọn mẹ lẹ yi yẹwheho Paulu tọn sè, yè ko sọ whlẹn yé gán, şigba ehelọ ma ko yín opòdo avùn he yé do na hò he satani tọn gba. Paulu dọ na yé dọ to godo he ewọ ko yi vọ: "ohla he dobú" lẹ na biọ yé mẹ, "ma pò apó yinte". E ma yín kanlin lẹ tọn wẹ yè to didọ to file gba adavo yẹwhehodọtọ lalonọ lẹ he na wá şensẹn yetọn nado wá hó yẹwheho Paulu tọn lẹpo liai. Paulu dọmọ: "şigba eyín míwlẹ, kavi angẹli de sọn olon mẹ, sọ dọ yẹwheho Wẹndagbe tọn depope devo hlan mì hú ehe míwlẹ do dọ yẹwheho hlan mì, yè ni gbọ e ni yín anatema" (Galatianu lẹ 1:8). E yọnẹn dọ yẹwhehodọtọ lẹ na wá bo na dọ dọmọ e ma yín dandan nado yín omẹ vọji gba. Omẹdele na dọ dọmọ eyín bibasi na gbẹtọ nado mọ whlẹn gan po lẹwé po dopọ hadopo. Omẹdevo lẹ na sọ dọmọ e ma yín dandan na gbẹtọ nado yi basi vọjlado na mẹhe go e ko zán walọ masogbe do. Onúhe lẹpo, podọ húganmọ, yín oplon giglọ. Mẹhe to yẹwheho onú hele tọn dọ yín anatema.

Mẹhe Yè Yi Ohùn Etọn Do Hò Lẹ

Agùn helọ ko yín núvive na Paulu. E ko wleawu vọ nado zé gbigbọ etọn liai na omẹ hele nido sọgan mọ whlẹn gan. Şigba agùn tle sọ yín nuvive na Oklunọ húgan ehelọ, na ohùn Etọn wẹ e do hò ẹ. Núdevo de ma tin to aihon mẹ he sọgan sú ahó ylando míton lẹ tọn. Jesu kọn ohùn Etọn dai nado súahọ ofligo míton tọn, enẹwutu, mí yín núvive na Ẽn talala.

Azónwànu Lẹgba Tọn

E ma yín kiki dọ yẹwhehodọtọ lalonọ lẹ na wá apomẹ nado hẹn yé gbọn aliho he boawú ji kẹde wẹ gba, şigba mēdele to yé mẹ na mọn yise lọ. Yé na lẹzùn goyitọ, yé na sọ jlo dọ na gbẹtọ lẹ ni yiwanna yé, na yé niso na yeyi yé do otẹn Jesu po devizónwatọ Etọn nugbonọ lẹ po tọn mẹ. Yé na nọ yi nuflo yetọn do nọ pà gbẹtọ lẹ, bo sọ nọ yi akue núglọ tọn do dín nukundagbe yetọn, yé bo na sọ dọn yé do godo sọn agùn mẹ biọ oplon yóyó mẹ.

E ma yín Agùn Efesu tọn kẹde mẹ wẹ ehelọ jọ te gba. Dopo to avùnhonu satani tọn lẹ mẹ, he e do to avùnhọ he yisenọ lẹ wẹ goyiyi. E nọ wá mēhe to zonlinzin gbọn gbigbọ dali de, e bo sọ nọ dọhó do otó etọn mẹ dēde dọ gbẹtọ titegbe de wẹ ewọ yín podọ ga dọ e gọ na azón dagbe sùsù talala. E sọ sọgan dọ ga dọ gbẹtọ lẹ ma yón kiklo azón etọn tọn gba podọ ga dọ eje na ẹn nado nọ dọn nukunmẹ mēhe yón kiklo azón etọn tọn lẹ do ogo.

Mēdevole nọ dọ dọ: "tón sọn godo şie satani: na hiẹ ma len onú Jihwéyẹwhe tọn pón gba adavo gbẹtọ tọn". Yise omẹ mọtọn nkọ lẹ tọn nọ hẹn adọai to Jihwéyẹwhe mẹ podọ to yẹwhẹnọ he e zé do fine lẹ mẹ. Şigba mēdele na na otó e, to madenmẹ yé na şe linlẹn dọ gbẹtọ lẹ ma sọ hò yé pón ba gba. E yín yé ma na sọgan diọ ayiha na agùn lẹpo pete do aliho yetọn ji, yé na dọn omẹ vude do ogo, yé bo na sọ dó agùn yetọn titi ai. Le wẹ sinsẹn lalo tọn sùsù jẹ eji do.

Jesu dọmọ eyín yè zé Mi daga, Ewọ na dọn gbẹtọ lẹpo wá Ede de. Yẹwhehó Paulu tọn whepoponu nọte to Jesu ji; mọga wẹ e ma sọ jlo na zé ede daga gba. E dọmọ emi ko sẹn Oklunọ po "hùwhẹ ayiha tọn po po dasin sùsù po, po hwlépon lẹ po".

To whedenu gbẹtọ lẹ tindo owanyi pipé hlan Paulu. Mēdele sọ şinyan devizónwatọ Jihwéyẹwhe tọn de he yè nọ ylọ dọ Apọlo. Paulu kanbiọ: "Mẹnu ka wẹ Paulu, podọ mēnu wẹ Apọlo, adavo devizónwatọ

gbon mehe dali mi yise" to Jesu me (1 Korintinu le 3:5). E kanbiọ dọ: "Paulu we ye hwe do satin go na mi? kavi oyin Paulu ton me we ye baptizi mi do?" (1 Korintinu le 1:13). Azon miton we nado do yewheho Jesu ton, e ma so yin gbeto ton gba. Nugbo, mi no na yeyi po whiwe po hlan ye mehe do ohó Jesu ton na mi le; sigba mi gbo mi ni flin do Jesu we Osé he ji ye dó ohó yise miton ton do. Eyin gbeto lepo tle gboawupo, Ewo na npte kakadoi.

To Kondopo Gbigbo Ton Me

Na ohwe aton we Paulu do to ohokona omẹ hele dogbon awugble he ja to nukonme dali. Ojle so nado jo ye dai, e so hode do na Jihweyewe ni whla ye to ojomi on Eton me.

Tukla tin to nukonna Paulu. E domo: "gbigbo sie to didé do Jerusalem yiyi ji, yen ma so yon onuhe na pla mi to fine. Adavo do Gbigbo Wiwe kunnude hlan mi to oto daho dopodopo me do, ogan po nukunbibia le po tin to nukon sie." Be miwe ka sogan yi otugbigbo do yi nukon di le Paulu ko wa do eyin mi yonen do tukla tin to nukon na mi? Kavi eyin mi yonen do oto dopodopo he me mi bi, mede tin to fine he jlo na wa oylan he mi? Be mi ka sogan dedo nukon yi fine lo nado la Wendagbe?

Be Wendagbe ka yin onutitege na mi somo bo mi nado ze gbigbo miton jo na en? Gbeto susu mado hihia we ko wamo le ohwe le to yiyi. Ye ma ho gbigbo yeton pon kaka je okudonu, ye so sogan do kededi Paulu nko domo: "son dinvie ye ko ze ojebakun dodo ton daga na mi, ehe Okluno, whedato dodonu, na na mi to azan ne gbe: e ma so yin hlan yen dopo kede gba, sigba hlan ye he yiwana awusohia Eton le ga (2 Timoti 4:8).

OKANBIQ LE

1. Ete we Paulu do gbon yise eton dali whenuena ogbezán eton jei vivonu?
2. Nawé "hwihwe Jihweyewe ton" ehe Paulu do yewheho eton ko su so?
3. Etewe jo do ovisunnu depevu he fle jedo son vesenu go whenuena Paulu do yewheho kakaje ozánhome?
4. Ete we Paulu do dogbon Wendagbe devo ton dali, ehe gbonvo do yewheho he e ko do go?
5. Ete wutu we agun do yin núvivé na Jesu?
6. Menu we Paulu tindo to ayiha eton me whenuena e dho dogbon ohla le ton dali?
7. Ylo oyin azonwánu satani ton dopo.
8. Ali tewe satani no gbon do hwle yisenon pon?
9. Nawé Wendagbe yin titege so na Paulu?